

太原縣志卷之十四

藝文三 詩不分體以時為次

北周

成王刻桐葉封虞贊

庾信

虞叔百里居河之汾帝刻桐葉天書掌文禮以成德樂以歌薰天子無戲唐其有君

隋

從駕幸晉陽

薛道衡

省方遵往冊遊豫叶前經金吾朝戒道校尉晚巡營重巒下飛騎絕浦渡連旌澗水寒逾咽松風遠更清方觀翠華

太原縣志

卷之十四 藝文

一

反簪筆上雲亭

唐

謁并州大興國寺

太宗

回鑾遊福地極目玩芳晨梵鐘交二響法日轉雙輪寶刹遙承露天花近足春未佩蘭猶小無絲柳尙新圓光低月殿碎影亂風筠對此留餘想超然離俗塵

於太原召侍臣賜宴守歲

太宗

四時運灰琯一夕變冬春送寒餘雪盡迎歲早梅新

過晉陽宮

元宗

緬想封唐處實惟建國初俯察依晉野仰觀乃參虛并邑

龍斯躍城池鳳翔餘林塘猶清澤臺榭宛舊居運革祚中
否時遷命茲符顧循承丕構休惕多憂虞尙恐威不逮復
慮化未孚豈徒勞轍迹所期訓戎車習俗問黎人親巡慰
里閭永言念成功頌德臨康衢長懷經綸日歎息履庭隅
艱難安可忘欲去良踟躕

太原早秋

李白

歲落眾芳歇時當大火流霜威出塞早雲色渡河秋夢繞
邊城月心飛故國樓思歸若汾水無日不悠悠

駕幸河東

王昌齡

晉水千廬合汾橋萬國從開唐天業盛入浦聖恩濃下輦
回三象題碑駐六龍睿明光日月千載此時逢

太原縣志

卷之十四 藝文

二

和崔日用遊開化寺

吳少微

左憲多才雄故人九鷺鸚護贈單于使休軺太原郭館次
厭煩歆清懷尋寂寞西緣十里餘北上開化閣初入雲樹
間冥濛未昭廓漸出欄楳外萬里秋景焯歲晏風落山天
寒水歸壑覽物頌幽景三乘動禪鑰但敷利解言永用忘
昏著

次太原呈吳郎中

韓愈

朗朗聞街鼓晨起似朝時翻翻走驛馬春盡是歸期地失
佳禾處風存蟋蟀詞暮齒良多感無事滄垂頤

和太原鄭中丞登龍興寺閣

歐陽詹

青窗朱戶半天開，極目凝神望幾迴。
晉國頽墉生草樹，皇家瑞氣在樓臺。
千條水入黃河去，萬點山從紫塞來。
獨恨侍遊違長者，不知高意是誰陪。

和嚴長官秋日登太原龍興寺閣

歐陽詹

百丈文化城樓，君登最上頭。
九霄回棧路，八到視并州。
煙火遺堯庶，山河啟聖猷。
短垣齊介嶺，片白指汾流。
清鐸中天籟，哀鳴下界秋。
境閑知道勝，心遠見名浮。
豈念乘肥馬，方應駕大牛。
自憐蓬逐吹，不得與良遊。

遊晉祠上李逢吉相公

令狐楚

太原縣志

卷之十四

藝文

三

不歷晉祠三十年，白頭重到一淒然。
泉聲自昔鏘寒玉，草色雖秋耀翠鈿。
少壯日遊寧有數，尊榮再會便無緣。
相思臨水下雙淚，寄入并汾向洛川。

令狐相公自天平移鎮太原

劉禹錫

北都留守將天兵，出入香街宿禁扃。
鼙鼓夜聞驚朔鴈，旌旗曉動拂參星。
孔璋舊檄家家有，叔度新歌處處聽。
夷落遙知真漢相，爭來屈膝看儀刑。

和裴侍郎送令狐相公鎮太原

劉禹錫

十萬天兵貂錦衣，晉城風日斗生輝。
行臺僕射深恩重，從事中郎舊路歸。
疊鼓蹙成汾水浪，閃旗驚斷塞鴻飛。
邊庭

自此無烽火擁節還來坐紫微

送令狐相公赴太原

白居易

六纛雙旌萬鐵衣并汾舊路滿光輝青山書記何年去紅
旆將軍昨日歸詩作馬蹄隨筆走獵酣鷹翅伴觥飛此都
莫作多時計再爲蒼生入紫微

寄北京留守裴令公

白居易

天上中台正人間一品高休明值堯舜勲業過蕭曹始擅
文三捷終兼武六韜動人名赫赫憂國意切切寵重移宮
鑰恩深換閫旄保釐東宅靜守護北門牢豹尾交牙戟蚪
髯捧佩刀通天白犀帶照地紫麟袍

太原縣志

卷之十四 藝文

四

太原送許侍御出幕歸東都

耿 漳

昔隨劉越石今日獨歸時汾水風烟洽并州花木遲荒庭
增別夢野雨失行期莫向山陽過鄰人夜笛悲

太原送穆質南遊

竇 庠

今朝天景清秋入晉陽城霜葉離披處風蟬三數聲那言
苦行役值此遠徂征莫話心中事相看氣不平

并州道中

竇 庠

行役我方倦苦吟誰復聞戍樓春帶雪邊角暮吹雲極目
無人迹回頭送雁羣如何遣公子高臥醉醺醺

送王使君赴太原行營

錢 起

太白明無象皇威未戢戈諸侯持節鉞千里控山河漢驛
雙旌度龍沙七騎過驚蓬連鴈起收馬入雲多不賣盧龍
塞能消瀚海波須傳出師頌莫奏式微歌

春日晉祠同聲會集得疏字韻

李益

風髮瞻唐本山祠閱晉餘水亭開帟幕巖榭引簪裾地綠
苔猶少林黃柳尙疏菱苕生皎鏡金碧照澄虛翰苑聲何
舊賓筵醉止初中州有遼鴈好爲繫邊書

駕幸河東

杜牧

捷書皆應睿謀期十萬曾無一鏃遺漢武慚誇朔方地周
宣休道太原師威加塞北寒來早恩入河源凍去遲聽取
太原縣志

卷之十四

藝文

五

滿城歌舞曲涼州聲韻遠參差

并州

韓偓

戍旗青草接榆關雨裏并州四月寒誰會憑闌潛忍淚不
勝天際似江干

宋

題晉祠

范仲淹

神哉叔虞廟地勝出嘉泉一源甚澄澈數步忽潺湲此意
誰可窮觀者增恭虔錦鱗無敢釣長生同水仙千家溉禾
稻滿目江鄉田我來動所思致主愧前賢大道果能行時
雨宜不愆皆如晉祠下生民無旱年

遊晉祠

歐陽修

古城南出十里間鳴渠夾路何潺潺行人望祠下馬謁退
卽祠下窺水源地靈草木得餘潤鬱鬱古柏含蒼烟并州
自古事豪傑戰爭五代幾百年天開地闢真主出猶須再
駕方凱旋頑民盡遷高壘削秋草自綠埋空阡并人昔遊
晉水上清澈照耀涵朱顏晉水今入并州裏稻花漠漠澆
平田廢興彷彿無舊志氣象寂寞於山川惟存祖宗聖功
業干戈象舞被管絃我來覽登爲太息暫照白髮臨清泉
鳥啼人去廟門闔還有山月來娟娟

晉陽三月未有春色

司馬光

太原縣志

卷之十四

藝文

六

天心均煦嫗物態異芬芳上國花應爛邊城柳未黃清明
空改火元已漫浮觴仍說秋寒早年年八月霜

題叔虞祠

呂惠卿

翦葉疏封意歸禾協濟心遺風固唐遠積德本周深逝水
悲興廢浮雲閱古今祠宮尙翬翼鳴玉漱松陰

游叔虞祠

張伯玉

廟中桐葉手中文閒讀高碑拂素塵異隴歸禾曾是主徒
林射兕獨留神關河莫問周秦事花木誰分漢魏春惟有
門前舊溪水秋風幽咽送行人

明仙訪上人不遇

蘇過

暫拋塵土叩雲扉山色空濛翠濕衣澗水松風俱有恨道人瓶鉢幾時歸

金

過太原贈高天益

王遵古

遠海渺千里風塵今二毛心雖如筆正官不稱才高筦庫非君事山林必我曹相期老鄉國拂石弄雲璈

遊天龍山四首

王廷筠

帝遣名山護此邦千家瑟瑟嵌西窗山僧乞與山前地招客先開四十雙

手拄一條青竹杖真成日挂百錢游夕陽欲下山更好深

太原縣志

卷之十四

藝文

七

谷無人不可留

王母祠東古佛堂人傳棟宇自隋唐年深寺廢無僧住滿

谷西風栗葉黃

挂鏡臺西挂玉龍半天飛雪舞天風寒雲直上三千尺人

道高歡避暑宮

開化寺

王廷筠

一別禪關二十秋人非物是叵重遊雲迷鶴徑瀛洲遠雨歇祇園海氣收黃葉亂飛山覺瘦紅塵不到境偏幽同來仙侶宜乘興高步西岩最上頭

太原古城惠明寺墻秋望

元德明

西山萬古壯陪京一日汾流入廢城浩浩市聲爭曉集
眇原隰但秋畊晉公老去詩仍在越石亡來恨未平千尺
浮圖暮烟底瓦盆濁酒爲誰傾

并州少年行

北風動地起天際浮雲多登高一長嘯六龍忽蹉跎我欲
橫江鬪蛟鼉萬弩迸射陽侯波或當大獵燕趙間黃熊朱
豹皆遮羅男兒萬馬隨撫訶朝發細柳莫朝郵掃雲黑山
布陽和歸來明堂見天子黃金橫帶冠峩峩人生只作張
騫傳介子遠勝僵死空山阿君不見并州少年夜枕戈破
屋耿耿天垂河欲眠不眠淚滂沱著鞭忽記劉越石拔劍
太原縣志

卷之十四

藝文

八

起舞鷄鳴歌東方未明兮奈夜何

過晉陽故城書事

元好問

叔虞祠前晉溪水翠葉銀花清見底上下西山如挂屏鬱
鬱蒼蒼三十里中原北門形勢雄想見城闕雲烟中望川
亭上閱今古但有麥浪搖春風君不見繫舟山頭龍角禿
白塔一摧城覆沒薛王出降民不降屋瓦亂飛如箭鏃汾
流決入太夏門府治移著唐明村只從巨闕失光彩河洛
幾度風烟昏東闕蒼龍西白虎金雀觚稜上雲雨不論民
居與官府仙佛所廬餘百所鬼役天財千萬古爭教一炬
成焦土至今父老哭向天始恨河南往來苦南人鬼巫好

襪祥萬夫畚鍤開連岡官街十字改丁字釘破并州渠亦
亡幾時卻到承平了重看官家築晉陽

晉溪

元好問

石磴雲松著色屏岸花汀草展江亭青瑤疊整通懸甕白
玉雙龍掣迅霆地脈何嘗間今昔尾閭真解泄滄溟乾坤
一雨風塵了好就川源問乞靈

有感

元好問

夢裏鄉關春復秋眼明今得見并州古來全晉非無策亂
後清汾空自流南渡衣冠幾人在西山薇蕨此生休十年
弄筆文昌府爭信中朝有禁囚

太原縣志

卷之十四 藝文

九

自白雲歷石瓮至明仙黑道人飲

趙可

白雲下明仙岩路縈九折僧居未離人西崦頗孤絕萬林
倚空青雙壁似天闕幽懷慊泉石高興在麴孽道人唱山
歌擊竹爲之節翩然兩珠袖雅鄭輒間發殘陽逼歸鞍悵
與清境別今朝晉溪夢瀟灑出林樾

故城道中

郝俛

郵亭南北厭飄零尙喜揚鑣過故城桐葉不堪追往事泥
丸猶足見民情青山閱世幾興廢白堦向人如送迎佇立
夕陽無限思西風禾黍動秋聲

元

聖母祠前禱雨

李木魯翀

天泓雪霽蔭寒松聖母祠前可鑑容水利萬家豐稻畝山
靈千古壯桐封司爰政虐連雲稼使憲情深望雨濃一灑
甘霖遍寰宇泉關嘖起抱珠龍

晉溪

李木魯翀

白髮摧人老光陰一擲梭塵埃臨水少風雨傍山多世路
羊腸轉春風馬耳過勞心成底事尊酒惜蹉跎

晉祠

段成已

不到靈祠十五年水光山色尙依然京人莫說西湖好不
漑民田漑福田

太原縣志

卷之十四

藝文

十

題明仙寺

彥齡

路轉花溪不踏塵仰頭人語半天聞到門不計山重數但
覺衣襟有白雲

古城夕照四首

小倉月

百雉并城掃地空荆榛禾黍動秋風傷心虎踞龍蟠地汾
水青山夕照中

斷垣寒草古并州雲自高飛水自流戰馬將軍何所在一
聲鴻雁夕陽秋

京畿踪跡久荒涼白堦西風犬吠忙空闊碧天雲幾點人
家籬落半斜陽

廢趾雄并古帝鄉
疏籬茅屋兩三莊
淡烟幾縷橫
蓑草寒木西風撼夕陽

明

智伯頭飲器歌

唐 肅

飲伯頭些伯已鬼伯死寧知頭作器
玉盤酒滴猩猩紅血波倒浸泥丸宮
雷吼無聲電睛墜伏犀骨斷漆花膩
老龍一吸銀海澀飲闌擲栝怒髮立
英鬼夜半不敢泣君不見君漆頭臣漆身
恨君蘭臺爭諫臣

太原春日郊行

楊 基

屐齒車輪更馬蹄
綠莎隨處踏成蹊
無人爲惜閑花落有暇來聽好鳥啼
步履愛沿流水曲襟懷高與眾山齊
詩成誰復吹簫和卻向籐蘿石上題

太原縣志

卷之十四

藝文

十一

晉祠禱雨曉行

于 謙

曉行數里未天明
路繞汾河聽水聲
斜月帶星橫
遠漢清風傳漏振殘更
中心但願靈祇格
遠道何須父老迎
好挽銀潢作甘雨
溥霑萬物潤蒼生

太原道中曉行

于 謙

星稀月落曉風清
猶聽鷄聲報五更
山勢平吞沙漠境
河流曲繞晉陽城
天涯何處尋歸路
野景無邊動客情
車騎縱橫皆故道
不須俟吏遠逢迎

晉陽禱雨

薛瑄

滌滌山川困靡寧望年空自籲天庭不辭重繭趨沈璧遂
有羣龍吐建瓶叔虞祠開千畝綠湘妃竹散九原青卽看
農圃商霖後蓑笠如雲戴曉星

飲甕山東澗泉

喬宇

泠泠一勺淨塵心絕愛幽泉出澗潄敢謂微涓裨海渤祇
宜清賞助雲林光分蟠螭涵空遠湍激珊瑚插地深欲聽
瀟湘水雲曲朱絃何處訪知音

游晉祠六首之二

喬宇

漠漠郊原盡甫田封疆猶記翦桐先春游正值月三五秋
太原縣志

卷之十四

藝文

十一

穫因歌歲十千祠外古陂連鶴埵地中靈液秘龍淵膏腴
不減江南勝誰向藍田詫輞川

西山蒼翠出清泠肅肅神功夜不扃千古岡巒依兌域一
方雲雨乾坤靈鞭龍地迴潭常黑澤物功多稼正青景旼
如斯堪廟食磨崖須爲勒吾銘

王晉溪太宰卜築於晉祠水邊甚爲佳勝乃自綏德
謫所以書來乞詩自謂兒輩近爲我營一佚老之
所池館之間贖植花竹稻畦蒲汴烟汀雪瀨彌漫
極目頗得秀潤閒雅之趣乃疊韻以四律復之

劉龍

晉水溪頭冢宰家獨將風物占年華
舟航利涉空橫渡霖雨功成不受誇
千頃雪翻彭澤稻一川霞散洛陽花
何當起作天河水再爲蒼生洗怨嗟

幾時投刺晉公家遙望龍門髮已華
表裏山河空入夢神仙池館漫多誇
門前鷗鷺尋常客鏡裏菱荷次第花
是說白頭猶紫塞中原懸望四夷嗟

故鄉門第是通家京國交遊有歲華
晏罷更畱常至醉詩成頻讀誤蒙誇
秦關夜月三年笛渭水春風幾度花
何日與公更秉燭側身西望轉長嗟

晉溪原是大方家潤色皇猷國有華
十策河汾從古重一篇滕閣至今誇
地靈慣產庭前玉天巧能開筆上花
爲報故園歌舞地便看旌旆莫興嗟

太原縣志

卷之十四

藝文

三

劉大尹邀游晉祠次韻

王瓊

山城西去未十里風景翛然趁野心
古寺樓臺行處近前村煙樹望中深
閒情似可忘聲利世事何勞問昔今
珍重吾邦賢令尹四郊春雨布棠陰

幾年夢憶家山景此日重遊愜素心
匝地溪泉雲氣爽一川花柳野陰深
幽懷壯歲還同少樂事何時可比今
作主況逢劉晏在不妨傾倒醉花陰

崇福田莊

王瓊

小雨纔收暖更晴
筍輿輕度碧沙平
塍間有地皆流水
寺外無山不繞城
蒲茁炊香晨饌美
藤枝翻影午尊清
會須盡滴京塵浣
更待他年結纜成

和黃花老人開化寺作

王瓊

風景淒涼正暮秋
故人相伴出城游
山迎曉日寒烟散
葉落空林宿雨收
禾黍故宮增感慨
雲泉僧舍足清幽
他年願得辭官早
卜築西巖最上頭

天龍寺

巡撫蘇祐

穿林遙送目入洞
共披榛間舊僧誰
在驚時鳥自春
名山多古剎塵市少
閒人病後憐幽寂
辭家學養真

太原縣志

卷之十四 藝文

古

曉渡汾水將赴晉祠告成

蘇祐

簫鼓渡方舟旌旗夾岸浮
山明汾曲曉雲白晉祠秋
桐葉飄宮井蘋花薦酒甌
願言崇報祀不是重遊遊

太原懷古

蘇祐

獨上山城思寂寥
英雄千古恨難銷
鳴蛙尚產居民竈
驚馬空留義士橋
齊洞僧歸雲冉冉
漢宮人去雨瀟瀟
堪憐此地多離亂
莫向明時負酒瓢

望東莊贈高憲副

蘇祐

跂望東莊近幽深
似輞川平田白鷺下
曲徑綠雲連避俗
林和靖談經漢服虔
懸車何太早應戀
此林泉

晉祠曉望

蘇祐

四圍蒼翠倚秋空
霞彩烟光曙色通
池水欲搖蘋藻日
溪亭先散稻花風
摩挲金石珍唐帖
指點川原說晉宮
漫擬鏡湖乞賀監
願祈豐歲萬方同

登望川亭

高汝行

望川亭子廢何年
遺趾猶聞故老傳
雲裏層層緣石磴
雨餘歷歷見平田
參差樓閣青山外
遠近村莊綠水邊
愧我無能重建此
攬衣登眺興飄然

古城懷古

高汝行

晉陽城郭忌商參
古迹依然尚可尋
保障瓜分韓趙魏
彈丸太原縣志
卷之十四 藝文 五
九虎噬宋元金空
壕落日牛羊下
故壘秋風草木深
前代繁華何處是
惟餘古塔倚雲岑

遊晉祠觀難老泉

王鴻儒

一泓俯幽深疑有蛟龍臥
卻立不敢窺況敢輕一唾
瀉竇玉珂清入村羅帶浣
涯空或通海流駛可旋磨
下漑稻千頃旁闕竹萬個
行旅藉飲濯居人免寒餓
崖刻半剝落石路時坎坳
林藹滯行程山風牽臥課
俯觀魚鱉遊仰乏燕雀賀
豈伊道士負母乃令長過
右顧十畝塘西有百重
恨無擇勝亭與客同唱和
何當行役休遂此股肱脩
得報二三子終日臨池坐

晉溪流水

張頤

唐叔祠前溪水碧，泉湧頽波挾崖石。一泓清溜瀉寒聲，千載居民仰靈澤。小小渠平古殿涼，西風十里稻花香。剪桐遺事今猶昨，血食如何祀女郎。

汾河晚渡

張頤

山脚落日千林紫，渡口歸人簇如蟻。中流軋軋櫓聲清，沙際紛紛鴈行起。遙憶橫流游幸秋，當時意氣誰能儔。樓船簫鼓今何在，紅蓼年年下白鷗。

古城夕照

張頤

晉陽自古稱嘉麗，舞榭歌樓絃管脆。繁華富貴一朝空，獨太原縣志

卷之十四

藝文

六

有斜陽在天際，淡烟衰草殘霞中。離離禾黍生故宮，牧童下山香徑靜。白楊無數號西風。

蒙山曉月

張頤

嘒嘒雞聲天漸曉，山嶺巍峩殘月小。寒光旋逐曙光微，桂影潛隨人影杳。霜落風清角韻頻，輪蹄多少在紅塵。堪嘆道旁名利客，寧識牕前飽睡人。

登青崇巖

高一麟

曉日曛曛紫氣浮，懸崖古洞絕清幽。眼空三晉無窮處，身在羣峯最上頭。霧滴松梢晴亦雨，風生林際夏如秋。登臨不負山林約，掃壁題詩紀勝游。

游朝陽洞

高一麟

山林鍾秀不知年此日初開小洞天
窗銷流雲晴鬢黷院留歸月夜嬋娟
寒波繞砌鳴清玉古柏環橋染翠烟
我欲寄書邀海客玉壺瑤館醉飛仙

晉祠訪王朝立次壁上韻

學使

曾大有

味城人

漱玉源頭知化本寒芳花底見天心
鶴胎巢穩雲松老燕尾流分映泚深
有國叔虞封自昔降神山甫勝於今
嚶鳴何處聲求友黃鳥飛飛灌木陰

同高君修古游晉祠

學使

周

宣

莆田人

登山已是春歸後覽勝初償客裏心
雙澗躍來秋鏡冷萬夫耕處綠雲深
山前絃誦緣晨夕祠下牲醪自古今
吾爲吾民乞靈貺瓣香還寄殿松陰

太原縣志

卷之十四

藝文

七

塵車輶掌無虛日一見清流豁此心
萬頃芙蓉飛雨亂兩行烟樹碧雲深
翦桐封號應從古勒石碑文直到今
最愛東風芳草綠重檐複道晝陰陰

晉祠和壁間韻

督學副使

陳鳳梧

廬陵人

兩泉亭下費幽尋欲寄生平不競心
松葉浮香依澗轉苔花含潤上堦深
靜涵星漢分高下流盡年華變古今
倚徧石闌歸騎晚漣漪送盡半山陰

前題

督學副使

楊文卿

浙江人

石闌歸騎晚漣漪送盡半山陰

唐叔虞墓

御使李鑑濟寧人

叔虞當時葬有邱憑軒回首憶成周絕憐世變浮雲盡無
那年驚逝水流歌鳳已曾甘遠引泣麟亦不愛周遊孤懷
落日無人會野草蕭蕭又晚秋

王大參德華約游晉祠二首

尚書周經
人陽曲

山鍾淑氣水通靈廟祀憑誰肖女形利澤流分千頃綠危
峯挺出四時青松楸材美還資用碾磨機奇好入銘我欲
尋源問難老可能一勺制頽齡

昔年曾此駐吟鞭草樹烟波入望妍老去尙能矜矍鑠歸
來偏是愛林泉況同梓里良朋賞更羨薇垣故吏賢絃管
太原縣志

卷之十四 藝文

六

雖雖催客醉都將好景入詩聯

寄題王內泉曲莊

文徵明

五原南下勢回環汾晉風烟萃此間見說名園依綠水還
關別墅占青山春風把酒林花發落日憑欄倦鳥還蔭茂
濯清幽興足盡輸高士百年閒

曲莊次文衡山韻

王朝立

羣峯轟轟遙周環草閣正當清瀨間花無飄泊赴春水樹
復老瘦如秋山林深不辨世今古地僻自無人往還披緘
愛詩亦愛意日日小窗相對閒

晉祠漫題

王朝立

臺駘遺廟古參墟泉石依然畫不如家似輞川非卜築
同剡曲可通漁半林寒吹秋聞玉一榻閒雲書枕晝老向
鄉園常抱甕更從何地賦歸與

晉祠

祝微

貪泉泉自貪不飲不相干清源源自清卽飲亦何憑居官
潔己性天成不向旁尋皎皎名愛此原田滋地液晝夜催
生送好聲自是水濱無所問滄浪止許濯吾纓

晉水

李維貞

水可亡人國那知國自傾片言能樹敵三板得完城陳迹
流波迅高原戰壘平田家春賽罷萬畝樂香秔

太原縣志

卷之十四

藝文

充

晉祠

楊儼

立馬空階日未曛好風吹動樹頭雲鳥呼人語千般巧水
出山來幾股分紀勝敢誇詩草健放懷休厭酒杯勤唐皇
御製碑還在更拂莓苔辨古文

晉陽

何喬新

太山汾水舊山河晉問朝殘感慨多曲檻綠蘋陳薄薦秋
田紅稻藉餘波遺靈尙讐徒林兕瑞應空傳異隴禾試問
應韓今在否荒城寂寞沒寒莎

晉祠

錢俊

王節南還勝地游寒泉清激逼雙眸松移日影龍盤砌麥

撼風聲浪浪疇古鼎浮香烟不斷層巒飛翠雨初收憑欄
頓覺襟懷爽疑在蓬萊第一洲

游晉祠回文詩

徐演

停驂喜徑度香風疊疊雲山四望同亭列殿嚴分小大路
開橋駕各西東靈祠古柏蒼崖聳異境清泉碧海通形勝
覽碑高拂袖冥冥潤物顯奇功

明仙寺

王瑄

古寺尋僧入碧山乘雲高步數層巒清泉幽鳥琴中聽老
樹巔峯畫裏看飄登幾年龕尙在碑鐫千古字多鏤嬉游
未徧祇園景凜凜松風午晝寒

太原縣志

卷之十四 藝文

三

昊天觀

王瑄

出郭西行路幾彎崎嶇石磴躡崇山烟籠柳色增春色日
爍花顏映客顏今古興亡歸品藻河山蒼翠自回環傾懷
且盡登臨趣贏得人間半日閒

仙巖寺

王佩

出郭南行又轉西石田流水路高低夕陽雲影迷清眺始
入仙巖駐馬蹄

閑居寺

王佩

幸借鴉鵲上翠巔萬花爭綻正鮮妍遙觀幾里東南水一
練長牽接碧天

古城

李紳

散步荒臺望故城斜陽芳草碧雲深西風不盡興亡恨目斷天涯野水橫

讀書臺和東莊韻

知縣單希性邑人

危峯會建讀書臺屹立雲霄逼上台鉛槧燈窗深夜奮牙籤書櫃趁時開林泉養就青雲器石室陶成冠世材踵躅構修君子事功成攜我上蓬萊

游晉祠

譚誠言淄川人

盡日環門有半水豈期佳景對滄浪層層苔蘚侵雲濕滾滾滾泉華落澗忙最愛山空聊縱目好來石上漫流觴可知太原縣志

卷之十四 藝文

三

游晉祠

司理劉尚樸

平生性癖耽山水三晉尋幽此地真暫把塵襟舒枕漱還餘雪浪泊松筠游魚隱現穿桐葉落日依微傍主人更喜劉郎隨阮肇風流不減上林春

謁晉溪王公祠

崔棨鄴中人

黃昏來謁尚書祠勲業丹青事不迷品士獨懸行儉鏡臨戎不廢謝安碁中遭蔽日衡雲散晚惜騎箕薤露滋三晉風流今不改溪聲山色兩爭奇

晉祠禱雨

參政楊憲

傍天山勢伏龍形湧出靈泉碧玉清安得天瓢分一滴大
施甘雨濟蒼生

洪福寺

鄭大元

招提還是舊招提歸客來臨日欲西可惜談經人不
誰送我過前溪

旌李節婦

董汝第

乾坤布光嶽儲精太原域李氏篤所鍾幽閑儀不忒瑩瑩
冰玉姿挺挺松筠植奉祀采蘋繁分光勤紡織中藏柳絮
才內助關雎則茂齡失所天潔身不踰閩青鸞影旣分柏
舟諒罔極本來天上仙謫凡失比翼真是女中聖從一不

太原縣志

卷之十四 藝文

三

他惑精光爭景式聲聞共悽惻激烈毀容時山川爲變色
枯槁性所甘儀容不服飾寂寂杜孤闈斤斤苦自克矢志
堅金石雅操冠南北清閨六月寒正氣兩間塞聖王重風
化循良旌婦德貞心日月照芳名鐘鼎勒課兒蜚英茂榮
夫有褒敕風俗挽還淳綱常賴以翼允增晉陽輝贈言付
諸刻

寄高唐署中

諸封宜人 張福秀

千里家鄉隔三秋景物移眼花針線慢手老剪裁遲風落
黃金葉霜侵白玉枝音書憑鴈使寒到報君知

勸夫

誥贈孺人 李朝元

逆耳忠言莫作仇妾心原自爲君憂肯將年少堂堂貌不戴烏紗空白頭

觸時明志

李朝元

感時潸淚花無意恨別驚心鳥不知萬里飛雲徒悵望一腔心事拍舟詩

玩菊書懷

李朝元

此花偏比別花香不惹遊蜂只自芳萬卉盡懷風雨恨三秋獨爾耐冰霜

弔湘妃

李朝元

寒暑千年一色秋世間誰識古人愁湘妃淚共湘江水直到而今不斷流

太原縣志

卷之十四 藝文

三

國朝

晉祠紀游十二首

本朝少司農

曹

溶

嘉興人

岡陵多勝蹟宇宙此勞人路入金波晚筵開碧樹春餘齡消阮屐回首憶吳尊車馬逢年少深林喜絕塵

是日逢余初度

桐葉辭柯日沿流派古封分藩曾帶礪報祀獨雍容歲改唐風儉霜連代嶺濃水輪翻不歇雲母夜深春

青壁千尋下靈宮結構殊烟絲搖玉瓚簾影拂珍珠靜覺雲濤濶來欣騎從孤日移冰簟冷消息近蓬壺

無復祠宮守瑤壇任倚歌松杉存社稷樵牧厭兵戈傍席

琉璃滑分風菡萏參眼中賓客好作賦幾回過
上有吹笙宅崔魏少四鄰得眠非逆旅此外卽風塵藥蔓
穿窗滿胎禽警露新玉泓清照裏匡坐說天真
地脈臨河去神源繞塞還金沙如鏡裏玉髓到人間出入
防垂釣艱危勸買山布帆應可借款乃夢鄉關
懸甕斜通漠橫汾近隔城池開星點密野散瀑花明簪組
餘今日烟霞護此行更須諸釀法斟酌遂平生
石窟俄經宿鴻濛卒未窮題名黃葉上繫馬白雲中蘿薜
浮孤磴龜魚戲晚風良辰歡賞畢泥飲晉陽宮
小雨冥冥濕苔梯不可登川巒影象緯蒼翠闢觚稜鬼語

太原縣志

卷之十四

藝文

詩

千年鐵甌香午夜燈出門無盡意破悶托孤藤
念往增愁緒臨高選賦才地幽移岳瀆身到洗蒿萊亂水
潛蛟起虛亭宿鷺開江湖游泳慣狂喜異從來
王氣纏西北真人虎視偏泉香殷薦日柏老義旗年岡勢
蟠龍鳳林光淨鎧鋌銀鈎清不斷撥薛見雄篇
別殿慈顏啟明禋卽澗繁展親周典重備物漢儀存環佩
參仙仗龍蛇夾畫幡邦人懷聖澤滋漑滿郊原

晉祠唐太宗碑亭題壁

集杜

朱彝尊

步履深林晚春池賞不稀文章千古事社稷一戎衣野日
荒荒白悲風稍稍飛無由覩雄畧鬱鬱落壯心違

臺駘廟

朱彝尊

鳳鳥書官後鴻荒障澤年神功開白壤帝系出金天分野
捫參次山川奠禹先按圖移岸谷紀遠昧星躔亂水汾洮
別諸姬沈妣聯唐風誰始祀魯史至今傳簫鼓橫流散風
沙急溜穿勢曾吞北漢潤亦被西邊壁馬黃河並雲旗玉
井旋軒裳存想像憑弔一茫然

四過晉祠

宋權

一抹青山裏劃然別有天淙鳴羣籟寂溪靜一魚懸冬日
涵春色山民習水田風塵徒自厭枕漱是何年

朝陽洞

傅山

太原縣志

卷之十四 藝文

三

迴風舞不散愁雲下上蘆花麥隴湮鳥下寒巢尋柏子人
藏小洞剝榛仁燒香搗藥渾無見畫紙圍棋細有聞買藥
方纔遺有價還能沽酒醉山賓

贈鄭伯陽

傅山

伯陽吾愧汝一飯不曾嘗節苦甘溝壑蒙亨小學堂三人
傷獨在四廢寄情狂手植芳椒老辛紅滿夕陽

悼鄭伯陽

傅山

柳峪似谷口姓還同子真上京名不震倫擬德彌尊白日
無朋友黃泉有段孫段樵孫緯心期常夜合抵掌論乾坤
溝壑平生矢山河大帽孤呻吟聊歲月教授謝生徒腐鑄

完人範愁彫老骨枯廿年誰見此一杖不曾扶
每過朝陽殿殷傳好在聲今來逢道士不復說先生爾我
俱無用存亡未免情時齊遺俗繫揖讓寂柴荆
偶語汾東廟俄然遂古今且憐明禮義還怪陋知心藥石
聞鄰篴沙灘見小琴題碑吾後死鐫字囑深深

晉祠

徵君吳 雯 安邑人

懸甕山前路清秋見早鴻一溝瓜蔓水十里稻花風楊柳
參差綠汀藍遠近紅三年兩來往生計太匆匆

古柏歌

傅 眉

晉祠眾木臨水多青楊白柳交枝柯不能老大作嫵媚此
太原縣志 卷之十四 藝文 美

兩柏樹可奈何左柏劫銅紐鐵起老龍出沒教其子攫雲
搏雨巖阿幽解牙蛻角風塵裏造物從憇其篤生旁人詆
欺爲半死右柏絕倒人莫嗔材與不材穩放身重根拘捩
通心直小節脫畧礙眼新自是氣力憑壓物豈其頽委依
倚人左柏右柏幽影寒客子徘徊於其間右柏左柏幽影
淡客子歌罷高雲散

太原縣拜會大父祠三首

趙執信 山東益都人

會大父昔爲少參均晉祠水利有德於民故祠焉

祠鄰大佛寺楹間有觀察使時所題詩

曉色微分秋暮天村烟祠樹正清妍遠山雲氣日初上古

寺梵聲鍾共傳下馬身從千里外登堂夢隔十年前他鄉
歲晚增多感酌酒臨風一愴然

憶從薄宦客京師印墓松楸入夢悲怎喜家山歸有日又
來滂上住經時兒孫枉灑天邊淚父老能留去後思待向
故園兄弟道他年重問舊題詩

當年棨戟駐河平片紙能令萬戶歡曾向清流照顏色到
今白叟識衣冠村荒亂木隨秋下山逼驚風盡日寒歲序
易遷遺廟在居人珍重後時看

九日晉禱

埜菊霜枝向客妍孤村木落更蒼然也將世上黃塵面來
太原縣志

卷之十四 藝文

三

對山中碧玉泉桐葉遺封還百里晉陽王氣已千年爽鳩
東望堪憑弔都付西風落照邊

傲唐人作鄰里相反行

李廉

推車子推車子日日推車養妻子平明冒險陟巖薄暮
調飢鬻城市鬚鬢髮鬢雪霜生足疥手龜皮肉死賺多不
過古文錢合家那得三餐全饗殮共煮兩升米童孺難穿
一寸絲歸來夫婦顏醯醢垂首無言惟蕘火稚兒困倦炕
頭眠弱女強支窗下坐母女相商腹半枵而翁寧讓腹中
果來朝無力上高坡何處尋糧活你我此情誰訴真慘悽
鄰家豪俠住東西相承祖父公門役狐帽羊裘布絡鞵腰

間籤票尋名主走入人家勝狼虎布絲菽粟不稱意更覓
朱提與阿堵囊中充物尙淹留又覓嫖娼與窩賭美酒肥
甘頑數夜宿醒歸路常嘔吐嬌妻銀髻施脂粉兒女華衣
逞驕寵良朋密友廣新交諸親仰望諸鄰悚人生貧富雲
泥賒勸爾車夫莫怨嗟生子須教學入衙莫教似爾學推
車

弔武管嬰

高若岐一

時流元至正四海湧干戈赤眉旗柳峪白馬飲汾河黃耆
歸豺虎紅顏點蝮蛇緬彼銀瓶女烈烈誰與科老椿不摧
折標梅爾奈何孝擬于三女貞追竇二娥井跡雖非舊遺
太原縣志

卷之十四 藝文

三

風自可歌

小站營荷花

殷 嶧 天長人

秋期妄意藕如船村種荷花代種田綠滿不分沙水際風
香爭度午薰前輕粘白雪雙飛鷺遠接明霞一色天無限
故鄉蘋蓼夢今宵身帶五湖煙

唐叔虞祠

殷 嶧

溪毛明水薦芳馨上溯周秦世幾經多事空勞桐葉辨百
番爭搗晉祠銘愔愔白晝苔龕冷窅窅虛堂石氣青斲斲
黃冠司灑掃春秋間一啟門扃

晉祠古柏

殷 嶧

兒孫俯視木千章魯檜秦松共鬱蒼
巧歷莫窮前歲月歸雲常宿半中央
巢當絕頂鴉棲冷葉墮空林鹿食香
六月驕陽渾不到一天疏翠落陰涼

悼鄭伯陽

閻一洞

幽棲谷口任高眠短髮垂垂自覆肩
亂後幾人稱處士生來無計定逃禪
市藏梅福餘孤憤塚近要離起暮烟
悵望寒林同下馬那堪書帶草綿綿

晉祠四首

山西觀察 勵宗萬

一路隨流水相將惜早陰
翦桐尋故址懸瓮聳遙岑
殿倚嵐光迥波澄樹影森
征輶多逸興一度一登臨

太原縣志

卷之十四 藝文

无

天色清如水池塘碧蘚生
鳥從雲際沒人在鏡中行
日影淡山翠松濤答澗聲
塵懷應盡滌無意戀朝纓

傑閣凌雲峙如登尺五天
人家迷臘雪塢影失春烟
僧舍幽堪坐山花意自憐
百年千丈樹修幹蠹闌邊

躋攀雙足健歸路轉陂陀
梵宇纖塵絕高樓夕照多
重來勞想象欲去意摩挲
莫厭輪蹄瘁名祠得屢過

晉祠勵使君衣園索和依韻四首 邑令 沈繼賢

分珪留一葉千載荷桐陰
飛閣浮青黛噴泉帶碧岑
逍遙雲鶴舞錯落瓦松森
疑是蓬萊境偷閒幾度臨

山懸常抱甕釀澤潤蒼生
澗落雙泉合渠橫一線
行銀瀾

翻日影雪浪撼風聲坐愛深林晚臨流濯我纓
極目川原迴風光別有天溪深紅杏雨村繞綠楊煙緩步
逢花住遲歸見月憐鍾聲猶未遠蕭寺白雲邊
峯攢煙樹密紆折路盤陀好景終年有繁花六月多談經
僧指點斷碣我摩挲何處尋幽勝名祠載酒過

贈鶴公

邑明經

王爾祥

晉水龍門勝文思邁謫仙積書傳世德恒產篤心田端雅
涵千頃高明納百川燕山丹桂種君共四枝賢

難老泉和韻

王爾祥

波光如鏡天如底縹緲溶溶細鱗起香杭分綠永無休澤

太原縣志

卷之十四

藝文

三

國流芳誰復似旦暮難期菌與春貞元莫測終和始試問
滄桑數幾更贏得斯泉笑兒齒

輓劉節婦

邑宰

郭延祚

早歲悲黃鵠終身泣茹荼支持遺百畝成立藐諸孤三黨
沾周卹凡民急有無素車兼白馬執紼壅通塗

晉祠二首

戶部尙書

梁國治

泉源清第一懸甕紀前經老樹當空肅溪毛繞殿馨雲從
神女雨苔滿晉祠銘懷舊情無極山容萬古青
嘉封汾水北食德首金天大澤龍蛇徙空堂烏鼠穿渠清
分晉後星翦戲桐前風峪經幢近遺文法法傳

晉陽城

梁國治

蟋蟀歌風日龍蛇返國年山川增壁壘樓閣幾烽烟古殿
沈沈影荒闐漠漠田遺文今攬勝遠想更悠然

晉祠二首

大學士劉統勳 諸城人

桐封依甕嶺廟貌仰前型古柏周秦物名泉山海經水搖
春樹綠雲擁晚峯青長吏能留客移尊白鶴亭

山水清如此臨流可賦詩倔强人是鐵眠起柳如絲鼠竄
臺駘瓦苔蒙貞觀碑側身更懷古憑弔一凄其

遊晉祠

冀寧道徐浩 山陰人

鞭石攀雲渡古溪盈盈流水任東西唐碑剝落虞戈在漢

太原縣志

卷之十四

藝文

三

柏橫斜穉榻低野色平分心更遠孤亭入晚望中迷成王
介弟無魂魄唯見春歸鳥亂啼

晉祠全景十六首

翰林兵部楊一西 邑人

蹟與景不同蹟在景內者因景而寫蹟景在蹟外
者略蹟而取景晉祠名勝甲三晉而景無傳焉憾
事也予於晉祠內外各得景者八而系以詩俾遊
覽者知所循考焉他如智渠豫橋及唐銘以下歷
代名人題詠甚夥然皆蹟也非景不載

望川晴曉

亭在懸甕山上明邑副使高公汝行重建

亭高徑千仞乃在山之腹朝嵐砌下浮夕靄簷際宿每當

清朗時并汾全在日劃然世界寬一嘯振林麓

仙閣梯雲在祠西山
上祀呂仙

白雲徧山起樹杪見仙扉來從雲起處層折凌翠微遙聞
下界鍾呼向斜陽歸迴望卽蓬閣猶疑心夢飛

石洞茶烟卽朝陽洞傳青主題
雲陶八分書勒石上

朝陽有洞天天然去裁剡俗衲作齋厨時見香雲館活火
引新泉龍芽試魚眼供客頗不暇磨穿鐵門限

蓮池映月在唐叔
祠下

荷風冷池上夏日不知炎况此冰輪月寒光入夜添美人
浴秋水雙鏡開香奩對寫極清曠三英粲可拈

太原縣志 卷之十四 藝文

三

古柏齊年周物也有
左右二株

桐祠蔭八百下闕二千紀兩柏尙九九三千齡弗止同心
德不孤連理長不死庸知遺世材得算類若此

勝瀛四照樓名在祠中央上
皆扶闌極虛殿

危樓起天半週欄四望通此中先受月無面不當風水光
射簷動山色入廊空且欲騁遊目殘霞片片紅

難老泉聲泉在梳妝樓下
出分南北流

誰將玉斧開寒泉出巖竇不謂井中冽且笑甕底漏潺湲
作遠波湍激知下就源源去又來滾滾夜復晝

雙橋掛雪在泉東源
水榭西

獨有雙橋景偏於雪後添柳肥亞銀線松老掀霜鬚晴披
瓊殿出雲透玉峯尖水上看不厭因風憶酒帘

懸甕晴嵐

在北峪口內峯頭如甕重
疊而出卽此山發源處

祠西千疊嶂百甕懸其巔不知誰氏陶磊磊浮晴烟一脈
到祠下龍虎交蟠旋精華不終秘泉出無盡年

文峯鼎峙

大魁閣及寶塔與
文昌閣如鼎立

實沉照唐封明秀瞭如掌從知地有靈應若天垂象環祠
山水間羅列開三榜爲間峯頭人一樣煙霞爽

寶塔披霞

內有舍利隋開皇年建唐
重建乾隆十三年重建

溪南向山曲一逕入招提中有開皇塔寶氣明玻璃秀穎

太原縣志

卷之十四 藝文

三

插雲際下視眾峯低餘霞散爲綺多傍日華西

谷口雙堤

南堤護馬坊峪水
北堤護明仙峪水

祠在甕山懷谷出祠山外介然南北分兩堤若垂帶煙火
幾千家相得保無害經從嶺上看歷歷自天繪

山城煙堞

卽晉祠
堡城

山城亦如畫咫尺卽仙源但見炊煙起不聞人語喧家家
汲新水面面種蔬園景多吟不迨方信陸生言

四水青疇

水分四渠入汾
灌田數十里

甕山山下泉一派分南北南水支爲三四達真有力汾西
萬頃田共食靈祠德綠野靄黃雲千年無旱色

大寺荷風在祠東二里許四圍皆蓮花接連數村

步出祠東路六月乘早涼未入蓮花國先聞水回香淺碧
翻風蓋深紅貼曉妝連村千頃色真作萬荷莊

桃源春雨在祠南

小雨不沾泥沿堤踏沙路水綠映霞紅滴滴香成霧三家
兩家村千株萬株樹人曰小桃源卻是桃源渡

登朝陽洞邑進士李從龍

撥柳穿花拾級來朝陽勝概落羣埃層岩已步雲中洞絕
頂還登閣上臺日擁金光瓊樹動汾流玉岸紫煙開乾坤
懷抱須開眼嶺外飛霞任往回

太原縣志 卷之十四 藝文 三

晉水行 李從龍

憶年四十江湖道鄭重狂瀾回既倒豈肯中洲勇退來西
山懸甕靈泉好懸甕靈泉第一流朝宗別派幾千秋翦桐
剩澤周仍在保障分榮晉已休活潑常流萬古鑑潺湲難
斷五更愁扁舟拯溺關心事飲水思源及上頭君不見朝
陽洞裏日光紅鳶飛魚躍太和通勝瀛樓前月色皎高歌
暢飲冰壺空此間佳景無時無濯纓濯足謾招呼三七同
歸一以貫晝夜不舍如斯夫

高歡避暑宮 拔貢 陸以謙 海鹽人

晉陽西山何龍從蜿蜒磅礴真天龍白道之南賀六渾赤

光紫氣生英雄是時劉貴在秀容司馬亦聞來雲中眾星
入夢履而喜大度獨使羣豪宗爾朱既推東魏定韓陵片
石銘殊功青雀謠成大命集黑螳占罷天年終刀劍鞍勒
無金玉乃知儉德生平崇團焦石壁留舊宅未聞土木窮
人工不知何年此棲息避暑遺跡埋荒叢文襄繼起亦英
武南征北伐威鄰封河陰渦陽兩大役譬彼拉朽摧枯蓬
六月巡邊跨鞍馬安得廣殿招涼風水底燃燈燈忽滅河
邊殺癡摩蒼穹三臺銅雀廣舊址崇光金鳳何玲瓏武成
以下益驕縱鏡殿寶殿開重重琵琶彈出無愁曲十二院
裏春光濃雞栖原上周師入倉皇出走真夢夢當年霸府
太原縣志

卷之十四 藝文

三

氣如虹函夏區域歸牢籠西包汾晉北沙漠滄海直達江
淮東何愁委身向青土崇基五世終朝空興以恭儉亡以
侈可知人孽非天窮君不見貞觀避暑九成殿傳是開皇
仁壽宮

白雲山中二首

舉人 趙謙德 邑人

洞壑瀉原泉松陰滿庭戶披襟濯清風坐石看雲吐雲影
隔林移半嶺斜陽古嵐光夕更佳映水碧於樹把酒問青
山誰是此山主

結廬住層峯已出紅塵外策杖恣游覽更欲觀其大披雲
絕壑間颯颯聞天籟境遠身亦輕山空雲作蓋行行千仞

倚鵬川如帶夕照落餘暉山光澹煙靄蒼苔
遺物會

讀唐碑懷古

恩貢 李昉 邑人

晉地留真蹟唐碑墮亂沙荒苔深巖巖斷草畫龍蛇湮沒
文章古摧殘歲月賒桐封千載事興廢一谷嗟

遊童子寺

進士 朱穎 邑人

初歷童子溝旋上童子寺童子去不返空留鍊丹地屋宇
莽榛蕪白日宿魑魅枯樹兩三葉食盡蟻螬字裂砌雜花
茸當塗銛棘刺登頓良已閱所喜愜幽意屐齒破寒雲衣
襟滴嵐翠山黎紅欲熟異鳥時一至清嘯振林壑已覺空
木原縣志

卷之十四 藝文

美

塵累安得雙童來仙藥一丸遺

遊童子寺

廩生 王崇本

探竒取道龍山麓童子溝中窅紆曲垂簾亂瀑紛分流交
股羣峯森萬綠蟻穿虵折入雲中警然樹杪開琳宮殿廊
瀟灑軒垣殿禪院無僧花自紅崖鏤石佛神工古塔鑿燈
檠亦鬼斧倚欄把盞望汾川田廬歷歷清可數童子何年
跨鶴遊空餘一寺俯并州欲稽碑碣已殘缺舉頭但見雲
悠悠

